



Edisaun Espesiál

Objetivu sira Dezenvolvimentu Miléniu nian ba 2015

Entre 20-22 Setembru, Prezidente José Ramos-Horta sei hasoru malu ho lider mundiál seluseluk iha simeira ida iha Nova lorke hodi diskute Objetivu sira Dezenvolvimentu Miléniu nian (ODM). Objetivu sira-ne'e reprezenta esperansa no esforsu husi nasaun sira iha mundu-raiklaran, inklui Timor-Leste, atu halakon kiak no hadi'ak moris ba ema biliaun hirak. Governu sira, sosiedade sivil, grupu komunitáriu no individuus sira haka'as an atu hetan Objetivu sira to'o data ne'ebé define nu'udar alvu, no falta de'it tinan lima.

Iha Nova lorke, Xefe Estadu no Lider Governu liu na'in-144 sei revee progresu, avalia obstáku no lakuna sira, no konkorda kona-ba estratéjia no asaun oioin atu hetan Objetivu ualu ne'e to'o 2015.

Antesedentes ba ODM sira



» UN Photo

Tinan sanulu liubá iha Setembru 2000, lider mundiál na'in-189 haklibur iha Sede Nasoins Unidas iha Nova lorke atu diskute situasaun kiak nian iha mundu. Mundu agora iha rikusoim no rekursu barabarak, ne'ebé iha tempu uluk seidauk iha, maibé ema liu biliaun ida sei moris nafatin iha situasaun mukit no kiak aat tebes.

Lider sira buka komprende tanbasá maka ida-ne'e akontese no sira konkluir katak iha fatór

balu komún ba nasaun hotu-hotu ne'ebé hamosu kiak no mukit aat tebes, inklui rendimentu kí'ik, hamlaha, moras, no kuran uma adekuadu. Lider sira rekoñese katak esforsu atu hadi'ak situasaun ne'e sei ezije katak fetu iha direitu no oportunidade hanesan mane. Sira mós komprende katak kualkér dezenvolvimentu tan tenke hala'o ho maneira ne'ebé la estraga tan meu-ambiente naturál.

Nu'udar rezultadu husi diskusaun hirak-ne'e sira aprova Deklarasaun Miléniu nian husi Nasoins Unidas, kompromisu ida husi nasaun hotu-hotu ne'ebé marka prezensa iha simeira atu serbisu hamutuk hodi hamenus kiak ne'ebé aat tebes no atu halo ida-ne'e liuhosi meta oioin ne'ebé atu hetan to'o 2015. Idane'e maka ema koñese ho naran Objetivu sira Dezenvolvimentu Miléniu nian.

ODM sira reprezenta nesiedade no direitu umanu báziku sira ne'ebé tuir loloos individuus

Saida maka ODM sira?

	Halakon kiak ne'ebé aat tebes no hamlaha
	Garante katak labarik hotu-hotu hetan edukasaun bázika
	Garante katak fetu iha direitu no oportunidade hanesan mane
	Hamenus númeru labarik ne'ebé mate durante partu ka molok sira to'o tinan liman
	Hadi'ak saúde inan sira-nian no mós kuidadu saúde ne'ebé sira hetan liutiha sira tuur ahi
	Hamenus halekar moras ne'ebé da'et, inklui HIV/SIDA, malária no tuberkuloze
	apara lakon biodiversidade no garante katak nasaun sira buka hala'o polítika ne'ebé ambientalmente sustentavel
	Garante katak nasaun hotu-hotu serbisu atu apoia dezenvolvimentu iha nasaun sira ne'ebé menús dezenvolidu

hotu-hotu iha mundu tenke bele hetan—garantia katak sei la moris iha situasaun kiak aat tebes no hamlaha, no mós edukasaun ho kualidade, empregu desente no produtivu, uma no saúde dí'ak, direitu fetu nian atu partu laiha risku ba sira-nia moris, no mundu ida ne'ebé ambiente sustentavel nu'udar prioridade no fetu ho mane bele moris ho igualdade.

Deklarasaun Miléniu nian iha 2000 nu'udar marku importante iha kooperasaun internasionál, no inspira esforsu ba dezenvolvimentu ne'ebé hadi'ak tiha ona moris ba ema millaun atus hirak iha mundu tomak. Liutiha tinan sanulu, iha progresu substansial ne'ebé halo tiha ona, maibé sei iha dezafiu barak nafatin.

Maski Timor-Leste la hola parte iha Estadu-Signatáriu orijinal sira tanba iha momentu ne'ebá nasaun ne'e seidauk independente, hafoin Timor-Leste mós halo tiha kompromisu atu hetan Objetivu sira Dezenvolvimentu Miléniu nian.

Timor-Leste no ODM sira

Tinan ualu liu tiha ona dezde Timor-Leste ikusliu konsege ukun-rasik an depoizide luta maka'as hodi buka independénsia dezde 1975. Nasaun foun ne'e hasoru dezafiu boboot barak bainhira forma governu ida ba dala uluk iha 2002, tanba lori todan husi legadu pós-kolonializmu nian no depois husi okupasaun durante tinan 25 no rekuperasaun liutiha raan-fakar 1999 nian.

Dezafiu sira inklui infraestrutur nasaun nian ne'ebé ema sobu hotu, no mós falta kapasidade no rekursu umanu nu'udar rezultadu husi situasaun runguranga ho dezlokadu barak ne'ebé akontese durante tranzisaun ba independénsia.

Nasaun ne'e tenke harii filafali nia an, dezenvolve governu no instituisaun sira Estadu nian, no tau matan ba populasaun ne'ebé namkari tebes ho kapasidade limitada atu kaer jestaun

esforsu rekonstrusaun no dezenvolvimentu nian. Buat sira-ne'e hotu iha dala ida de'it. No buat sira-ne'e hotu enkuantu buka maneira no dalan atu uza ninia rikusoim potensial gás no petróleu nian ho responsabilidade hodi fó benefisíu ba povu.

Notavelmente, iha tinan ualu de'it, no maski krize 2006 ne'ebé ameasa dezestabiliza demokrasia nurak ne'e, governu kontinua harii estrutura sira-ne'ebé prezisa atu implementa ninia polítika no alkansa ODM sira.

To'o agora iha ona susesu oioin, conforme ita bele haree iha Broxura Kona-ba ODM Timor-Leste nian 2010 ne'ebé fó sai tiha ona. Ida-ne'e hatudu nasaun nia progresu iha ODM ida-idak to'o tiha ona iha ne'ebé. ODM sira hotu iha indikadór oioin ne'ebé hatudu se ODM ida-idak la'o tuir dalan ka lae. Sira-nia situasaun la hanesan, ODM balu la'o sala, balu la'o tuir dalan, no balu konsege alkansa ona, no ne'e buat ida

ne'ebé la bele evita.

Sei iha serbisu barak atu halo iha área barak. Partikularmente kombate ba seguransa ai-han, moras, ema ne'ebé lahetan serbisu no esforsu atu bele sees hosi moras HIV/AIDS ida ne'ebé potensial bo'ot liu atu hadait laiais.

Maiske nune'e atu hases hosi abstaklu ida ne'e, broxura ODM hatudu prosesu ne'ebé realidadi mak halo tiha ona.

Ne'e inklui esforsu atu halakon kiak (ODM 1) liuhosi Estadu fó assisténsia ba grupu vulneravel sira no haka'asan atu hamosu empregu, esforsu atu hadi'ak setór saúde ne'ebé ajuda hamenus tiha ona mortalidade labarik (ODM 4) no esforsu atu hadi'ak saúde inan sira-nian (ODM 5).



» UNMIT Photo/Antoninho Bernardino



Ajuda sira ne'ebé vulneravel liu no hamosu empregu



» UNMIT Photo/Antoninho Bernardino

Entre 2001 no 2007, kiak iha área balu nasaun nian kuaze duplika, liuliu iha distritu sira iha zona klaran no zona loromonu. Krize 2006 hamosu instabilidade ne'ebé naklekar lemo-lemo no halo ema liu 150.000 husi Dili sai dezlokadu, no ida-ne'e hamenus atividade ekonómika normál no aumenta dezempregu.

Iha 2010, Estadu rezolve tiha ona problema barak ne'ebé abut no hun 2006 nian, no restaura tiha ona pás no estabilidade. Despeza públika ajuda fó-apoiu ba ema ne'ebé vulneravel liu. Asisténsia husi Estadu liuhosi pensaun no subsidiu agora fó ona ba veteranu, deficiente, ferik ho katuas, feto ne'ebé mesak hakiak nia oan no mós ba oan-kiak sira.

Governu kontinua buka atu hamo-

su empregu ba ema foin-sa'e na'in-15.000 ne'ebé tama merkaduserbisu kada tinan. Knaar ne'e boot no susar tebes tanba taxa dezempregu ba ema entre tinan 15 no 34 agora daudaun 90%. Eskema hanesan Projetu Serbisu Intensivu fó tiha ona benefisiu ba timoroan maizumenus na'in-40.000 dezde 2007. Iha programa seluseluk ne'ebé enkoraja kompañia sira atu fó serbisu ba timoroan no/ka fó kontratu ba kompañia lokal ba projetu infraestrutura iha área rural sira, hodi nune'e hamosu empregu ba ema na'in-64.000. Iha ona sentru-formasaun rejistadu sianulu-resin-ida ne'ebé fó formasaun ba to'os-na'in, karpinteiru, pedreiro, eletrisista no mekániku iha distritu 13 hotu.



» UNMIT Photo/Antoninho Bernardino

Kapasidade no formasaun kona-ba saúde esensial atu hetan ODM sira

Bainhira Timor-Leste hetan independénsia iha 2002, obstákulu boot ida maka falta profesionál formadu atu garante funcionamentu servisu sira-nian no atu forma jerasaun foun, liuliu iha setór saúde ne'ebé tanba kuran médiku, parteira no profesionál seluseluk saúde nian halo susar tebes ba nasaun ne'e atu konsege tau matan ba moras, malnutrisaun, saúde inanan no labarik nian, no taxa fertilidade no mortalidade ne'ebé sa'e liu ba beibeik.

Atu bele hasoru situausaun ne'e, Governu lori médiku formadu sira mai husi rai-li'ur atu tau matan kedas ba neseseidade urjente no hahú planu ba tempu naruk atu forma sidadaun timoroan iha li'ur, liuliu iha Kuba.

Dezde 2003 Timor-Leste haruka estudante barak ne'ebé hakarak sai doutór ba Kuba hodi hetan formasaun méдика iha ne'ebá. Primeira turma graduadu fila fali mai uma bainhira Setembru tinan ne'e nian hahú, no fó ba nasaun ne'e médiku kualifikadu foun na'in-18, inklui feto na'in-sia. Tuir Organizasaun Mundial Saúde nian, estudante medisina timoroan na'in-684 tan sei estuda daudaun iha Kuba. To'o 2014, Timor-Leste espera katak médiku liu na'in-1000 ne'ebé hetan formasaun iha rai-li'ur sei fila tiha mai.

Maibé Kuba parte ida de'it husi istória ne'e. Timor-Leste haruka tiha ona sidadaun timoroan balu ba rai-li'ur iha Austrália, Indonézia, Brazil no Papua Nova Giné atu foti kursu gradusaun ka pós-gradusaun iha área hanesan sirurjia jerál, jinekolojia, pediatria, neurolojia, anesteziolojia, radiolojia, oftalmolojia, patolojia klínika, saúde públika, enfermajen, farmásia, radiografia, obstetrísia no odontolojia.



» UNMIT Photo/Antoninho Bernardino

Mortalidade labarik no saúde inanan sira-nian



» UNMIT Photo/Martine Perret

katak mortalidade tinan lima ba kraik tun ba na'in-64 husi na'in-1000 ne'ebé moris-mai ho vida, no hanesan ne'e ultrapasa dook meta orijinál.

Ba taxa mortalidade infantil, meta ODM nian ne'e na'in-53 husi na'in-1000 ne'ebé moris-mai ho vida. Iha 2003, bebé ne'ebé foin moris-mai na'in-88 husi na'in-1000 mate liutiha partu. Maibé iha 2009 número ne'e tun tiha ona ba na'in-44 husi na'in-1000 ne'ebé moris-mai ho vida.

Avansu iha mortalidade labarik no saúde inanan sira-nian bele atribui ba inisiativa oioin ho susesu, inklui Kampañia Nasionál Imunizasaun ne'ebé hahú iha 2004, programa saúde komunitária SISCa, kolokasaun ba médiku husi rai-li'ur iha sentru saúde rural sira, governu nia programa hodi fó hahán iha eskola no programa saúde inanan no labarik no mós atividade oioin ne'ebé la'o nafatin hodi hanorin ema kona-ba nutrisaun.

Timor-Leste ultrapasa tiha ona meta ODM ba 2015 ba taxa mortalidade labarik tinan lima ba kraik no taxa mortalidade infantil ne'ebé estabesele iha 2004.

Iha 2003, ba labarik na'in-1000 ne'ebé moris-mai ho vida, labarik na'in-125 sei la moris to'o halo tinan lima. Meta ODM nian atu hamenus número ne'e ba na'in-96 husi na'in-1000 ne'ebé moris-mai ho vida to'o 2015. Iha 2009, dadus preliminar husi Estudu Demográfiku no Saúde nian hatudu

Alfabetizasaun nu'udar xave atu hadi'ak ema sira-nia moris



» UNMIT Photo/Bernardino Soares

barakliu bele komprende. Se populasau sai alfabetizadu karik, ida-ne'e sei ajuda tebes hodi hamenus kauza barak ne'ebé nu'udar abut no hun ba kiak no mukit.

Governu hahú tiha ona programa alfabetizasaun ba nasaun tomak ne'ebé buka atu hanorin kapasidade bázika hodi lee no hakerek ba ema foin-sa'e no adultu maizumenus 300.000 ne'ebé tuir estimativa agora sei analabetu. Programa ne'e ho durasaun fulan tolu implementa daudaun iha distritu sira hotu. Foin lailais, Oekusi sai distritu dahuluk ne'ebé deklar nia an livre husi analabetizmu.

Timor-Leste iha nivel relativamente aas analabetizmu nian, liuliu iha área rural sira. Ida-ne'e halo susar liután ba Governu atu esplika no sosializa projetu sira ho maneira no liafuan ne'ebé timoroan

Programa ODM iha Suku

Durante tinan hirak ikus ne'e, governu no parseiru sira serbisu ho comunidade sira kona-ba ODM balu, bele liuhosi programa hadi'ak nutrisaun ka bele liuhosi formasaun ba comunidade kona-ba hadi'ak bee no saneamentu. Governu iha planu atu formaliza ninia serbisu kona-ba ODM sira ho lansamentu iha 2011 ba Programa ODM iha Suku ne'ebé prepara atu sosializa ODM sira iha nivel aldeia.

Membru comunidade sira sei simu informasaun kona-ba saida maka ODM sira no oinsá maka sei bele



» UNMIT Photo/Martine Perret

hetan Objetivu sira-ne'e. Programa sei fó fundus ba comunidade lokal sira no halo sira sente katak prosesu ne'e sira-nian rasik hodi estabesele prioridade, i planeia no implementa projetu, liuliu iha área bee, saneamentu no uma.